



Republika e Kosovës  
Republika Kosovo / Republic of Kosovo  
Komuna e Rahovecit  
Opština Orahovac/Municipality Rahovec



REPUBLICA E KOSOVËS / REPUBLIKA KOSOVO / REPUBLIC OF KOSOVO  
KOMUNA RAHOVEC / OPŠTINA ORAHOVAC / MUNICIPALITY RAHOVEC

KABINETI I KRYETARIT TË KOMUNËS / KABINET PREDSEDIKA OPŠTINE / MUNICIPAL MAYOR CABINET

Njësia Nr./Br./No 02 (Kabineti i Kryetarit të Komunës)  
Nr./Br./No 7408 Nr. i faq./Br.str./No.pg 43  
Data/Datum/Date 29/5/2026  
RAHOVEC / ORAHOVAC

Procesverbal i dëgjimit publik buxhetor me puntorët Shëndetsorë

## INFORMATË RRETH NJOFTIMEVE

Njoftimi për organizimin e dëgjimeve buxhetore për përgatitjen e buxhetit për vitin 2027, me puntorët Shëndetsorë publikua me datë: 22.05.2026 në ueb faqen e komunës së Rahovecit, në këtë vegëz:

<https://rahovec.rks-gov.net/wp-content/uploads/2026/05/NJOFTIM-PUBLIK-Degjimi-buxhetor-me-punetoret-shendetesor.pdf> në harmoni me afatet ligjore që i përcakton Udhëzimi Administrativ, si vijon:

*Duke u bazuar në Ligjin për menaxhimin e financave publike dhe përgjegjësitë, Statutit të Komunës së Rahovecit Nr.1005, si dhe nenit 31 të Udhëzimit Administrativ MAPL Nr.04/2023 për Administratë të Hapur në Komuna, kryetari i Komunës së Rahovecit, Smajl Latifi dhe Drejtoria për Buxhet dhe Financa në bashkëpunim me Zyrën për Informim nga data: 20.5.2026 deri me datë: 22.5.2026 do të organizohen gjashtë (6) dëgjime publike buxhetore.*

Me qëllim të rritjes së nivelit të transparencës e llogaridhënies dhe për t'i mbajtur sa më të informuar banorët e komunës së Rahovecit, rreth orarit dhe vendit të mbajtjes së dëgjimeve buxhetore, janë bërë me kohë planifikimet dhe është publikuar me kohë kalendari i dëgjimeve buxhetore për gjashtë (6) dëgjimet buxhetore në komunën e Rahovecit në këtë vegëz:

<https://rahovec.rks-gov.net/wp-content/uploads/2026/04/Kalendari-i-degjimeve-per-pergatitjen-e-KAB-2027-2029-1.pdf> më datë: 30.4.2026.

Po ashtu, bazuar në afatet ligjore janë njoftuar puntorët Shëndetsorë , ku janë të informuar rreth mbajtjes së dëgjimeve me anë të publikimit në ueb faqe të komunës.

Njoftimi për mbajtjen e dëgjimit buxhetor me puntorët Shëndetsorë , u publikua më datë 22.05.2026 në këtë vegëz:

<https://rahovec.rks-gov.net/wp-content/uploads/2026/05/NJOFTIM-PUBLIK-Degjimi-buxhetor-me-punetoret-shendetesor.pdf> Njoftimet janë publikuar në uebfaqe të komunës, në Platformën për Konsultime Publike si dhe në rrjetin social Facebook.

**DËGJIMI PUBLIK ME PUNETORET SHENDETESOR**

Dëgjimi buxhetor me **puntorët Shëndetsorë**, u mbajtë më: **22.05.2026** në QKMF “DR. FAHREDIN HOTI”, me fillim në ora **13:45**.

Pjesëmarrës gjithsej të pranishëm ishin: **49**

- Femra ishin: **38**
- Meshkuj ishin: **11**

Dëshmi janë listat nënshkruese të pjesëmarrësve në këtë dëgjim.

**Të pranishëm:** Drejtori i Financave, Afrim Limani, zyrtarët e Drejtorisë së Financave dhe anëtarët e grupit punues për buxhet.

Takimin e hapi anëtarja e grupit punues për buxhet **znj. Blerta Gashi**, ku i dëshirojë mirëseardhje të gjithë të pranishmëve. Për më shumë rreth buxhetit të vitit 2027 fjalën e ka drejtori për buxhet dhe financa **z. Afrim Limani**.

**Afrim Limani, drejtor për Buxhet dhe Financa:** Të nderuar të pranishëm, përshëndetje për të gjithë! Më 15 maj 2026 ka ardhur qarkorja e parë buxhetore financiare që përcakton kufijtë dhe tavanet buxhetore për buxhetin e Komunës së Rahovecit. Sipas qarkores së parë buxhetore, buxheti i Komunës së Rahovecit në total, duke përfshirë edhe të hyrat vetanake do të jetë 21,704,248.00€. Nëse bëjmë krahasim me vitin 2026, atëherë është një rritje e buxhetit prej 156,514.00€, duke përfshirë edhe të hyrat vetanake. Ne e presim edhe qarkoren e dytë buxhetore në muajin korrik, ku kjo qarkore pastaj do ti caktojë qartë të gjitha pozicionet buxhetore edhe pse ne mendojmë që nuk do të ketë shumë ndryshime nga qarkorja e parë. Granti i Administratës është 9,946,627.00€, që ka rritje krahasuar me vitin e kaluar për 778,566.00€. Granti i Arsimit është 6,843,506.00€, në krahasim me vitin 2026 ka një zbritje prej 660,795.00€. Granti i Shëndetësisë është 2,323,338.00€, që në krahasim me vitin 2026 ka një zbritje prej 36,883.00€. Në total, buxheti është 21,704,248.00€. Buxheti në kategori ekonomike përafërsisht do të jetë kështu: Pozicioni i pagave do të jetë 12,919,962.00€, në krahasim me vitin 2026 kemi një rritje prej 465,407.00€. Mallra dhe Shërbime janë 2,821,000.00€, ka rritje krahasuar me vitin 2026 për 59,994.00€. Komunalitë janë 440,000.00€, ka rritje krahasuar me vitin 2026 për 50,000.00€. Subvencionet mbesin të njëjta krahasuar me vitin 2026, 1,000,000.00€. Investimet Kapitale janë 4,523,286.00€, dhe ka një zbritje prej 418,887.00€, krahasuar me vitin 2026. Gjithashtu paraqiti edhe dy faktor kryesor që do të ndikojnë në problemet financiare edhe këtë vit, njëjtë si vitin e kaluar për komunën tonë: Kontrata Kolektive si dhe numri i ulët i popullsisë për komunën e Rahovecit të bërë nga regjistrimi i fundit i përfunduar në vitin 2024, sidomos Kontrata Kolektive, ku vetëm këtë vit nga buxheti për Investime Kapitale, janë marrë 3.5 mil.€, prandaj kemi një zbritje sidomos te pozicioni i Investimeve Kapitale. Ky është në total buxheti i Komunës së Rahovecit, për vitin 2027. Në dorë keni edhe një dokument, që sipas programeve dhe kategorive ekonomike ta dini shpërndarjen e buxhetit.

Emrat	Kërkesat nga punëtorët shëndetsor
Fehmi Cena – Mjek	Falenderim për drejtorinë për Buxhet dhe Financa.

	Pagesat me vlerë 150 euro për mjek specializant që shërbejnë në institucione publike, Komuna ka ngelur mbrapa me këto pagesa për dy vite per 7 ose 8 mjek, a ka planifikim per vitin qe vjen (2027)? a do te kompenzohen edhe si do të kompenzohen nëse ka planifikim për vitin qe vjen?!
Lumturie Fazliu	Kërkesë për paisje shtesë për laborator dhe kërkesë për zgjidhje të problemeve me rrymë elektrike për arsye të mbrojtjes nga dëmtimi të paisjeve dhe aparaturave elektrike?!

Drejtori i Financave, Afrim Limani, numri i nxënësve në vitin shkollor 2024/2025 ka qenë 7,888, ndërsa në vitin shkollor 2025/2026, është 7,148. Diferenca është 740, nxënës më pak, që ndikon drejtpërdrejt në uljen e grantit specifik për Arsim, uljen e mjeteve për mallra&shërbime dhe komunal, për arsye të zbatimit të formulës në raportin mësimdhënës/nxënës.

Situata e krijuar financiare është e vështirë, prandaj do të shikohet më kujdes shpenzimi i buxhetit dhe do t’ju jepet përparësi atyre kërkesave më prioritare. Do të shohim nëse mundemi të përfshijmë në projektin për efijencë, ndërrimin e dyerve dhe dritareve në SHMLP “Selajdin Mullabazi”.

Edhe përkundër krizës financiare, ne jemi kujdesur që mos të ulim mjetet në kategorinë Mallra&Shërbime dhe Komunal, por përkundrazi për vitin 2027, i kemi rritur mjetet për këto dy kategori dhe do të kryejmë obligimet financiare prioritare sidmos ngrohja qednrore dhe mjetet higjienike.

Vazhdimisht së bashku me ekipin tim të financave analizojmë me kujdes këtë situatë të krijuar financiare, ku e ceka më herët që kontrata kolektive është barrë për neve, dhe kjo ka qenë faktori kryesor që jemi në këtë gjendje. Por besoj që vitin tjetër të jemi më mirë në aspektin financiar, dhe së bashku të punojmë që të reduktojmë kostot e panevojshme.

Ju faleminderit për pjesëmarrje, shihemi në takimet e radhës!



